

# Akashvani, Sambalpur

## SAMBALPURI NEWS EVENING BULLETIN

28 May 2024- 7.02 pm- 7.12 pm.

\*\*\*\*\*

- ୧- ରାଏଜେ ୪ ନମ୍ବର ଖେପ୍ ନିର୍ବାଚନ ଲାଗି ଭିନ୍ ଭିନ୍ ରାଜନୈତିକ ଦଳ ତରଫୁ ଚାଲିଛି ପ୍ରଚାର ।
- ଆଏବା କାଏଲ୍ ଓଡ଼ିଶା ଆସ୍‌ବେ ବିଜେପିର ବରିଷ୍ଠ ନେତା ଆର୍ ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ।
  - କେନ୍ଦ୍ର ସ୍ଵରାଷ୍ଟ୍ରମନ୍ତ୍ରୀ ଅମିତ୍ ଶାହା ଚାନ୍ଦବାଲି ଆର୍ ପାଣିକୋଇଲି ନ ଦଲୀୟ ପ୍ରାର୍ଥୀଙ୍କର ଲାଗି କଲେ ପ୍ରଚାର ।
- ୨- ସାଧାରଣ ନିର୍ବାଚନକେ ନେଇକରି ସାମାଜିକ ଗଣମାଧ୍ୟମ୍ୟ ହେଇଥିବା ୪ ଶହ ୨୦ ଟା ଆପତିଜନକ୍ ପୋଷ୍ଟକେ ହଟାଲା ପୁଲିସ୍ ।
- ୩- ମେଟ୍ରିକ୍ ପରୀକ୍ଷା ଖାତା ଫେରଘାଏ ଯା'ର୍ ଲାଗି ଆଏବାକାଏଲ୍‌ନୁ ମୁଲ୍ ହେବା ଆବେଦନ ।

ଆଉର

- ୪- କେତେ ଦିନ ଉତ୍ତରୁ ରାଏଜେ ଫେର୍ ବଢ଼ଲା ତାତି ।
- ବୌଦ୍ଧ ନ ସବୁନୁ ଜହ ତାତି ୪୫ ଦଶମିକ୍ ୯ ଡିଗ୍ରୀ ସେଲ୍‌ସିଅସ୍ ।

ରାଜ୍ୟ ନ ୪ ନମ୍ବର ଆର ଶେଷ ଖେପର ଭୋଟ୍ ଲାଗି ଆଉ ୫ ଦିନ ବାକିଥିବାର ବେଳେ ଭିନ୍ ଭିନ୍ ରାଜନୈତିକ ଦଳର ବରିଷ୍ଠ ନେତାମାନେ ଦଳୀୟ ପ୍ରାର୍ଥୀମାନଙ୍କର ଲାଗି ପ୍ରଚାର କରୁଛନ୍ ।

ବିଜେପିର ବରିଷ୍ଠ ନେତା ଆଉ ପ୍ରଧାନମନ୍ତ୍ରୀ ନରେନ୍ଦ୍ର ମୋଦୀ ଆଏବାକାଏଲ୍ ଓଡ଼ିଶା ଆସିକରି ବାରିପଦାର ଛଉପଡ଼ିଆ, ବାଲେଶ୍ଵର ଆର କେନ୍ଦ୍ରାପଡ଼ା ନ ବିଜୟ ସଂକଳ୍ପ ସମାବେଶ୍ଵ ଯୋଗ୍ ଦେବେ ।

ସେଆଡ଼େ କଂଗ୍ରେସ୍ ଅଧକ୍ଷ ମଲ୍ଲିକାର୍ଜୁନ୍ ଖଡ଼୍ଗେ ଆଏବାକାଏଲ୍ ବାଲେଶ୍ଵର ଆର ଭଦ୍ରକ ନ ଦଳୀୟ ପ୍ରାର୍ଥୀଙ୍କର ଲାଗି ପ୍ରଚାର କରବାର କାର୍ଯ୍ୟକ୍ରମ୍ ରହିଛେ । ସେନ୍ତା ଦଳର ବରିଷ୍ଠ ନେତା ରାହୁଲ୍ ଗାନ୍ଧୀ ପ୍ରଚାରର ଶେଷ୍ ଦିନ ଆଏବା ୩୦ ତାରିଖ୍ ଗୁରୁବାର୍ ଦିନ ବାଲେଶ୍ଵର ନ ପ୍ରଚାର କରବେ ।

ବିଜେପି ବରିଷ୍ଠ ନେତା ଆର ଗୃହମନ୍ତ୍ରୀ ଅମିତ୍ ଶାହା ଆଏଜ୍ ଚାନ୍ଦବାଲି ନ ଦଳୀୟ ପ୍ରାର୍ଥୀଙ୍କର ଲାଗି ପ୍ରଚାର କରୁଛନ୍ । ସେ ରାଏଜେ ବିଜେପି ସରକାର୍ ଆସ୍ଲେ ଶିଳ୍ପ ପ୍ରତିଷ୍ଠା ସହେତେ ଯୁବବର୍ଗଙ୍କୁ କର୍ମସଂସ୍ଥାନ ଯୁଗେଇ ଦିଆଯିବା ବଲି କହିଛନ୍ । ସେନ୍ତା ଯାଜପୁର ଜିଲ୍ଲାର୍ ପାଣିକୋଇଲି ଠାନେ ଭିଲ୍ ଶ୍ରୀ ଶାହା ଦଳୀୟ ପ୍ରାର୍ଥୀଙ୍କର ଲାଗି ନିର୍ବାଚନ୍ ପ୍ରଚାର କରୁଛନ୍ ।

ସେନ୍ତା ବିଜେପି ତରଫୁ କେନ୍ଦ୍ରାପଡ଼ାର ଜମ୍ବୁ ନ ଗୁଟେ ରୋଡ୍  
ସୋ' କରାଯାଇଥିବାରୁ ବେଳେ ବିଜେଡ଼ି ତରଫୁ ବେତନଟୀ  
ଆର ଭୋଗରାଇ ନ ପ୍ରଚାର ଚାଲିଛି ।

ଆପତିଜନକ ପୋଷ୍ଟ- ଓଡ଼ିଶା ପୁଲିସ୍ ଆରଏନ୍ୟୁ/ ସମ୍ବଲପୁର

ସାଧାରଣ ନିର୍ବାଚନ୍କେ ନେଇକରି ସାମାଜିକ ଗଣମାଧ୍ୟମ୍  
ହେଇଥିବା ୪ ଶହ ୨୦ ଟା ଆପତିଜନକ ପୋଷ୍ଟକେ  
ଓଡ଼ିଶା ପୁଲିସ୍ ତରଫୁ ହଟେଇ ଦିଆଯାଇଛି ।  
ଇତାର୍ସହେତେ ୫ ଟା ମାମଲା ରୁଜୁ ହେଇଥିବାରୁ ସୁରନା  
ମିଲିଛି । ଇନ ଜନେଇ ଦିଆଯାଇପାରେ ଯେ, ଫେସ୍‌ବୁକ୍,  
ଏକ୍ସ, ଇନ୍‌ଷ୍ଟାଗ୍ରାମ୍, ଯୁଟ୍ୟୁବ୍ ବାଗିର୍ ସାମାଜିକ୍  
ଗଣମାଧ୍ୟମ୍ ନିର୍ବାଚନ୍କେ ନେଇକରି ଭିନ୍ ଭିନ୍  
ଆପତିଜନକ୍ ପୋଷ୍ଟ ହେଉଥିବାରୁ ଦେଖ୍‌ବାର୍କେ  
ମିଲୁଛି । ଇସବୁକେ ନିୟନ୍ତ୍ରଣ୍ କରବାରୁ ଲାଗି ଓଡ଼ିଶା  
ପୁଲିସ୍ ତରଫୁ ସାମାଜିକ୍ ଗଣମାଧ୍ୟମ୍ ମନିଟରିଂ ସେଲ୍  
ଖୁଲାଯାଇଛି । ରାଜନୈତିକ୍ ଦଳର୍ ପ୍ରାର୍ଥୀ ଆର  
ସେମାନକର୍ ସମର୍ଥକ୍‌ମାନକର୍ ତରଫୁ ହେଇଥିବା ପୋଷ୍ଟ  
ଉପ୍ରେ ଇ ସେଲ୍ ନଜର୍ ରଖୁଛି । ଇତାର୍ସହେତେ  
ବିବାଦୀୟ ପୋଷ୍ଟ ମାନକେ ହଟାବାରୁ ଲାଗି ପଦକ୍ଷେପ୍  
ନେଉଛି ।

ମେଟ୍ରିକ ଖାତା ପୁନଃ ଯାଞ୍ଚ

ଆରବନ୍ଧୁ/ କଟକ

ମାଧ୍ୟମିକ ଶିକ୍ଷା ପରିଷଦ୍ ତରଫୁ ହେଇଥିବା ମେଟ୍ରିକ୍ ପରୀକ୍ଷାର ଖାତା ଫେରଘାଏ ଯାଞ୍ଚ ଆର ଉତ୍ତର ଖାତାର ଅବିକଳ୍ ନକଲ୍ ଲାଗି ଆବଦାନାଏଲ୍‌ଠାରୁ ଅନୁଲାଇନ୍ ଆବେଦନ ଆଉ ଦେୟ ଦାଖଲ୍ ପ୍ରକ୍ରିୟା ମୁଲ୍ ହେବା ବଳି ପରିଷଦ୍ ତରଫୁ ସୂଚନା ଦିଆଯାଇଛେ । ଇଚ୍ଛୁକ ପରୀକ୍ଷାର୍ଥୀମାନେ [bseodisha.ac.in](http://bseodisha.ac.in) ୱେବସାଇଟ୍ ଜରିଏ ଜୁନ୍ ୧୨ ତାରିଖ୍ ଭିତ୍ରେ ଆବେଦନ୍ କରିପାରବେ । ମଧ୍ୟମା ଆଉ ରାଜ୍ୟ ମୁକ୍ତ ବିଦ୍ୟାଳୟ ପରୀକ୍ଷାର୍ଥୀ ମାନେ ପରିଷଦ୍ ମୁଖ୍ୟ କାର୍ଯ୍ୟାଳୟ କି ଶାଖା କାର୍ଯ୍ୟାଳୟ ନ ଅଫ୍‌ଲାଇନ୍ ଜରିଏ ଆବେଦନ୍ କରିପାରବେ । ପରୀକ୍ଷା ଖାତାମାନକର୍ ଫେରଘାଏ ଯାଞ୍ଚ କରାଯିବାର୍ ଉତ୍ତରୁ ଛାତ୍ରଛାତ୍ରୀମାନକୁ ସଂଶୋଧିତ ମାର୍କସିଟ୍ ଯୁଗେଇ ଦିଆଯିବା । ସେନ୍ତା ଉତ୍ତରଖାତାର୍ ନକଲ୍‌ମାନ୍ ୱେବସାଇଟ୍ ନ ଆବେଦନକାରୀମାନେ ଡାଉନ୍‌ଲୋଡ୍ କରିପାରବେ ।

ପିଜି ନାଁଲେଖା-ଶେଷ

ଆରବନ୍ଧୁ / ସମ୍ବଲପୁର

ରାଜ୍ୟ ଉଚ୍ଚଶିକ୍ଷା ବିଭାଗ ଅଧୀନ ଥିବା ସବୁ କଲେଜ ଆଉ ବିଶ୍ୱବିଦ୍ୟାଳୟର ସ୍ନାତକୋତର - ପିଜି ନିଲେଖା ଲାଗି ଆବେଦନ ଗଲାକାଏଲ୍ ଶେଷ ହେଇଛି । ଶହେ ୧୩ ଟା ଉଚ୍ଚଶିକ୍ଷାନୁଷ୍ଠାନର ୨୮ ହଜାର ୯ ଶହ ୨୬ ଟା ପିଜି ଆସନ ଲାଗି ୫୯ ହଜାରରୁ ଅଧିକ ପ୍ରାର୍ଥୀ ଆବେଦନ କରିଛନ୍ । ଏକକ ପିଜି ପ୍ରବେଶିକା ପରୀକ୍ଷା- କମନ ପିଜି ଏଂଗ୍ରାନ୍ ଟେଷ୍ଟ ଲାଗି ଅନୁଲାଇନ୍ ଜରିଏ ସାମ୍ବ ପୋର୍ଟାଲ୍ ଆବେଦନ କରାଯାଇଥିଲା । ଆସବା ମାସର ୨୨ ତାରିଖରୁ ଆବେଦନକାରୀମାନଙ୍କୁ ପ୍ରବେଶପତ୍ର - ଏଡମିଟ୍ କାର୍ଡ ସାମ୍ବ ୱେବସାଇଟ୍ ମିଳିପାରୁଣା । ଆସବା ଜୁଲାଇ ମାସ ୩ ରୁ ୧୪ ତାରିଖତକ ପ୍ରବେଶିକା ପରୀକ୍ଷା ହେବ ।

ରାଜ୍ୟ ଅଂଶୁଘାତ ମୃତ୍ୟୁ ଆରବନ୍ଧୁ/ ସମ୍ବଲପୁର

ରାଏଜେ ଝାଉ ମାରିକରି ହେଇଥିବା ମୃତ୍ୟୁ ସଂଖ୍ୟା ୪କେ ବଢ଼ିଛି ବଳି ଜନସ୍ୱାସ୍ଥ୍ୟ ନିର୍ଦ୍ଦେଶକ ତାକ୍ର ନୀଳକଣ୍ଠ ମିଶ୍ର କହିଛନ୍ । ସେ କହିଛନ୍ ଯେ, ଦେଢ଼ାମାଲ ଆର ବାଲେଶ୍ୱର ଜିଲ୍ଲା ରୁ ଝନେ ଲେଖା ଆର ମୟୂରଭଞ୍ଜ ଜିଲ୍ଲାର ୨ ଝନକର ଝାଉ ମାରିକରି ଜୀବନ ଯାଇଛି । ସେନ୍ତା ୧୪ ଟା ଅଂଶୁଘାତ ମୃତ୍ୟୁ ଅଭିଯୋଗର ତଦନ୍ତ ଚାଲିଛି ।

ଗଲାକାଏଲ୍‌ତକ୍ ରାଏଜେ ୧ ହଜାର ୨ ଶହ ୧୯ ଝନ୍  
ଅଂଶୁଘାତ ରୋଗୀ ଡାକ୍ତରଖାନା ନ ଭର୍ତ୍ତି ହେଇଛନ୍ ।  
ଦେଙ୍କାନାଲ୍ ନ ସବୁନୁ ଜହ ଶହେ ୯୮ ଝନ୍, ମୟୂରଭଞ୍ଜ  
ନ ଶହେ ୪୬, ସୁନ୍ଦରଗଡ଼୍ ନ ଶହେ ୩୧, ସମ୍ବଲପୁର ନ  
ଶହେ ୨୧ ଝନ୍ ଝାଉମରାଥ୍ ଆକ୍ରାନ୍ତ ହେଇକରି  
ଡାକ୍ତରଖାନା ଭର୍ତ୍ତି ହେଇଥିଲେ । ଆଗକେ ରାଏଜେ  
ଶ୍ରୀଷ୍ଟପ୍ରବାହ ଜାରି ରହେବାରକେ ଥିବାରନୁ  
ଡାକ୍ତରଖାନାମାନକେ ପ୍ରସ୍ତୁତ୍ ରଖାଯାଇଛେ ବଳି ଜନସ୍ଵାସ୍ଥ୍ୟ  
ନିର୍ଦ୍ଦେଶକ୍ ଡାକ୍ତର ଶ୍ରୀ ମିଶ୍ର କହିଛନ୍ ।

ରଥ ତିଆରି ଆରବନ୍ଧୁ/ କଟକ

ଶ୍ରୀକ୍ଷେତ୍ର ପୁରୀ ନ ଶ୍ରୀଜୀଉମାନକର ରଥଯାତ୍ରା ଲାଗି ରଥଖଳା  
ନ ତିନିହି ରଥର ଅଖ କାମ୍ ମୁଲ୍ ହେଇଥିବାର ବେଳେ  
ବିଶ୍ଵକର୍ମାମାନେ ନାହାକା ଅଖ ତିଆରି ଆରମ୍ଭ କରିଛନ୍ ।  
ଆଏବା କାଏଲ୍ ଭଉଁରୀ ଉତ୍ସବ୍ଧ୍ ଚକ ଆର ଅଖ ସଂଯୋଗ୍  
ହେବା । ସେଆଡ଼େ ଜୁନ୍ ୨୨ ତାରିଖ୍ ଦିନ ମହାପ୍ରଭୁଙ୍କର  
ସ୍ନାନ ପୂର୍ଣ୍ଣିମା ଲାଗି ପ୍ରସ୍ତୁତି ମୁଲ୍ ହେଇଛେ । ସ୍ନାନ ପୂର୍ଣ୍ଣିମା  
ଉତ୍ତରୁ ମହାପ୍ରଭୁଙ୍କର ଅଶସର ନୀତି ଥିବାରନୁ ଗୁପ୍ତ ନୀତି  
ଲାଗି ଦରକାର୍ ଜିନିଷ୍ ଶ୍ରୀମନ୍ଦିର ପ୍ରଶାସନ୍ ତରଫୁ ଠୋଲ୍  
କରାଯାଇଛେ । ଇଥିରଲାଗି ତିଗିରିଆ ନୂଆପାଟଣା

ଇଲୀକା ୩ କ୍ୱିଟାଲ୍ ବାସୁଜୀ ପାଟ ଶ୍ରୀମନ୍ଦିର କାର୍ଯ୍ୟାଳୟ  
ନ ପୁହୁଁଚିଛି । ଇଥିରଲୀଗି ନୂଆପାଟଣା ଟସର  
ବ୍ୟବସାୟୀଙ୍କର ବରାଦ୍ ଦିଆଯାଇଥିଲା । ଗଲୀକାଏଲ୍  
ବାସୁଜୀ ପାଟକେ ପ୍ରଶାସନିକ୍ ଅଧିକାରୀଙ୍କୁ ହସ୍ତାନ୍ତର  
କରାଯାଇଛି ।

ପୂର୍ବତଟ ରେଲ୍‌ପଥର ମହାପ୍ରବନ୍ଧକ୍ ପ୍ରେସ୍ ରିଲିଜ୍

ପୂର୍ବତଟ ରେଲ୍‌ପଥର ମହାପ୍ରବନ୍ଧକ୍ ଭାବେ ପରମେଶ୍ୱର  
ଫୁଲ୍‌ଝାଲ୍ ଦାୟିତ୍ୱ ନେଇଛନ୍ । ଇତାର୍ ଆଘୋନୁ ସେ  
ମୁୟାଲ ନ ପଶ୍ଚିମ ରେଲ୍‌ବାଇର ପ୍ରିନ୍ସିପାଲ୍ ଚିଫ୍ ଇଞ୍ଜିନିୟର  
ଭାବେ କାମ୍ କରୁଥିଲେ । ଇତାର୍‌ଛଡ଼ା ଶ୍ରୀ ଫୁଲ୍‌ଝାଲ୍ ଭିନ୍  
ଭିନ୍ ଗୁରୁତ୍ୱପୂର୍ଣ୍ଣ ପଦ୍‌ବୀଥ୍ କାମ୍ କରିଛନ୍ ।

ମଣ୍ଡି ଯାଂର୍ ଆର୍‌ଏନ୍‌ୟୁ/ କଟକ୍

ଭାରତୀୟ ଖାଦ୍ୟ ନିଗମ୍‌ର କେନ୍ଦ୍ରୀୟ ପ୍ରତିନିଧି ଦଲ୍ ବଲୀକୀର୍  
ଜିଲ୍ଲାର୍ ଚିଟିଲୀଗଡ୍ ଆର୍ ବରଗଡ୍ ଜିଲ୍ଲାର୍ ଭିନ୍ ଭିନ୍ ମଣ୍ଡି  
ଯାଂର୍ କରୁଛନ୍ । ଯାଂର୍ ସମିଆଥ୍ ମଣ୍ଡିର୍ ଥିତି, ଚାଉଲ୍  
ସଂରକ୍ଷଣ୍ ପଦ୍ଧତି ଆର୍ ଅଲ୍‌ଗା ମାନଦଣ୍ଡ ଠିକ୍ ଭାବେ  
ପାଳନ୍ କରାଯାଉଛି କି ନାହିଁ ସେଟା ତଦାରଖ୍

କରାଯାଉଛି । ଆଏବା ଦିନେ ପଶ୍ଚିମ ଓଡ଼ିଶାର ଅଲଗା  
ମଣ୍ଡଳମାନଙ୍କେ ଭିଲ୍ ଯା'ର କରାଯିବା ବଳି ଭାରତୀୟ ଖାଦ୍ୟ  
ନିଗମ୍ ତରଫୁ କୁହାଯାଇଛି । ସେଆଡ଼େ ଚାଷୀମାନଙ୍କରୁ  
ଖାଦ୍ୟ ସଂଗ୍ରହ ନୀତି ଅନ୍ୟାରେ ଧାନ୍ ଘିନା ଯିବା ବଳି  
ପ୍ରତିନିଧି ଦଲ୍ କହିଛନ୍ ।

ଶୂନ୍ୟ ଛାୟା                      ସମ୍ବଲପୁର ସମାଦଦାତା

ବୁର୍ଲା ନ ଆଏବ୍ ଦିନର ୧୧ ବାଜିକରି ୫୨ ମିନିଟ୍ ଶୂନ୍ୟଛାୟା  
ଦେଖାଦେଇଛି । ଶୂନ୍ୟଛାୟାକେ ଦେଖିବାର ଲାଗି ବୁର୍ଲା  
ଠାନ୍େ ଥିବା ଏପିଜେ ଅବ୍ଦୁଲ୍ କଲୀମ୍ ପ୍ଲାନେଟୋରିୟମ୍  
ଖାସ୍ କାର୍ଯ୍ୟକ୍ରମ୍ ଆୟୋଜନ୍ କରାଯାଇଥିଲା । ଇ  
ଶୂନ୍ୟଛାୟା ଦେଖିବାର ଲାଗି ବୈଜ୍ଞାନିକ୍ ମନୋବୃତି  
ରଖୁଥିବା ବ୍ୟକ୍ତିବିଶେଷ୍ ଆର୍ ଛାତ୍ରଛାତ୍ରୀମାନଙ୍କର ଭିଡ୍  
ଜମିଥିଲା । ବଛରକ ଖାଲି ଦୁଇ ଦିନ୍ ମଏଧାନ୍େ ସୂର୍ଯ୍ୟ ଠିକ୍  
ମୁଡ଼୍ଡପରେ ରହେସନ୍ । ହେଥିରଲାଗି କେନ୍ସି ବସ୍ତୁର  
ଛାଇ ନାଇଁପଡ଼େ । କନ୍ୟାକୁମାରୀନୁ ଭାରତର ମଧ୍ୟଭାଗ୍ ନ  
ଥିବା କର୍କଟ କ୍ରାନ୍ତି ମଧ୍ୟ ଥିବା ସବୁ ଇଲାକା ନ ଏପ୍ରିଲ୍‌ନୁ  
ଜୁନ୍ ଆର୍ ଜୁନ୍ ନୁ ଅଗଷ୍ଟ ମାସ୍ ଭିତ୍ରେ ବଛରକ ୨ ଥର  
ଶୂନ୍ୟଛାୟା ପଡ଼ିଥିସି । ବୁର୍ଲା ନ ଆଏବା ଜୁଲାଇ ୧୫



ତାରିଖ ଦିନ ୧୧ ବାଜିକରି ୫୭ ମିନିଟ୍ସ ଫେରଘାଏ  
ଶୂନ୍ୟକ୍ଷାୟା ଦିଶିବା ବଳି ଯନ୍ତ୍ରୀ ରାକେଶ୍ ସାହୁ କହିଛନ୍ ।

ପୁଲିସ୍ କର୍ମଚାରୀ- ଦୁର୍ଘଟଣା ଆରବନ୍ଧୁ/ କଟକ

ଭୋଟ୍ କାମ୍ ଲାଗି ମହିଳା ପୁଲିସ୍ କର୍ମଚାରୀମାନଙ୍କୁ ନେଇକରି  
ଯାଉଥିବା ପୁଲିସ୍ ଗାଡ଼ି ଭୁବନେଶ୍ୱର ନ ଦୁର୍ଘଟଣାଗ୍ରସ୍ତ  
ହେଇଛି । ଇଥି ୭ ଝନ୍ ମହିଳା ପୁଲିସ୍ କର୍ମଚାରୀ ଆହତ୍  
ହେଇଛନ୍ । ସୂଚନା ଅନୁସାରେ ମହିଳା ପୁଲିସ୍ କର୍ମଚାରୀଙ୍କୁ  
ନେଇକରି ଗାଡ଼ି କେନ୍ଦ୍ରାପଡ଼ାକେ ଭୋଟ୍ କାମ୍ ଲାଗି  
ଯାଉଥିବାର ବେଳେ ଭୁବନେଶ୍ୱର ବାଣୀ ବିହାର ପାଖେ  
ସାମ୍ନାଆଡୁ ଗୁଟେ ପିକ୍ଅପ୍ ଭେନ୍ ଧକ୍କା ଦେଇଥିଲା । ଇଥି  
ଆହତ୍ ହେଇଥିବା ମହିଳା ପୁଲିସ୍ କର୍ମଚାରୀମାନଙ୍କୁ  
କେପିଟାଲ୍ ହସ୍ପିଟାଲ୍ ଭର୍ତ୍ତି କରାଯାଇଥିବାର ଜନାପଡ଼ିଛି ।

ଦେବଗଡ଼- ଭୋଟ୍‌ଗନ୍ତି ତାଲିମ୍ ଶିବିର

ଦେବଗଡ଼ ସମ୍ବାଦଦାତା

ଦେବଗଡ଼ ଜିଲ୍ଲା ନ ଭୋଟ୍ ଗନ୍ତି ଲାଗି ଗଲାକାଏଲ୍  
ଜିଲ୍ଲାପାଲଙ୍କର ସମ୍ମିଳନୀ କକ୍ଷ ନ କର୍ମଚାରୀମାନଙ୍କର  
ଗୁଟେ ତାଲିମ୍ ଶିବିର ହେଇଯାଇଛି । ଦେବଗଡ଼ର

ପଲିଟେକ୍ନିକ୍ ଠାରେ ଲୋକ୍ଷଭା ଆଉ ବିଧାନସଭା  
ଆସନ୍ ଲାଗି ୧୩ ଟା ଲେଖା ଟେବୁଲ୍ ନ ଭୋଟ୍‌ଗନ୍ତି  
କରାଯିବ । ଟେବୁଲ୍ ମାନଙ୍କେ ଇଭିଏମ୍ ଲାଗି  
ଅଣୁପର୍ଯ୍ୟବେକ୍ଷକ, କାଉଟିଂ ସୁପରଭାଇଜର୍, କାଉଟିଂ  
ଆସିଷ୍ଟାଣ୍ଟ ମାନେ ଉପସ୍ଥିତ ରହେବେ । କର୍ମଚାରୀମାନେ  
ଜୁନ୍ ୪ ତାରିଖ ଭୋଟ୍ ଗନ୍ତି ଦିନ ସଖାଲର୍ ୫ ବଜେ  
କେନ୍ଦ୍ର ନ ଉପସ୍ଥିତ ରହେବେ । ଜିଲ୍ଲାପାଲ୍ ଆର୍ ଜିଲ୍ଲା  
ନିର୍ବାଚନ୍ ଅଧିକାରୀ ସୋମେଶ୍ କୁମାର୍ ଉପାଧ୍ୟକ୍ଷକର୍  
ଅଧକ୍ଷତାଥ୍ ଇ ତାଲିମ୍ ଶିବିର୍ ହେଇଯାଇଛେ ।

ଲା-ନିନା ଆର୍ଏନ୍ୟୁ/ କଟକ୍

ଜଲ୍‌ବାୟୁ ବଦଳିବାର ଲାଗି ଭିନ୍ ଭିନ୍ ସମିଆଥ୍ ପୁରଥ୍ ନ  
ପ୍ରାକୃତିକ ବିପର୍ଯ୍ୟୟ ସୃଷ୍ଟି ହେଉଥବାର ବେଳେ ଇ ବଛର୍  
ଲା-ନିନା ପ୍ରଭାବ୍ ଲାଗି ପାଖାପାଖି ୨୫ ଟା ଘୂର୍ଣ୍ଣିତ୍  
ହେବାର ସମ୍ଭାବନା ରହିଛେ । ଆମେରିକାର୍ ପାଣିପାଗ୍  
ସଂସ୍ଥା ତରଫୁ ଇ ବାବ୍ଦେ ପୂର୍ବାନୁମାନ୍ କରାଯାଇଛେ ।  
ସୂର୍ଜନା ଅନ୍‌ସାରେ ୧୩ ଟା ୫୬ ସମିଆଥ୍ ଘଂଟାକ ଶହେ  
୧୯ କିଲୋମିଟର୍ ବେଗଥ୍ ପବନ୍ ବୁଝିବାର ସମ୍ଭାବନା  
ଥବାର ବେଳେ ଅଲଗା ୪ ଟା ନୁ ୭ ଟା ୫୬ ସମିଆଥ୍  
ଘଂଟାକ ଶହେ ୭୯ କିଲୋମିଟର୍ତକ୍ ପବନ୍ ବୁଝିବାର

ପୂର୍ବାନୁମାନ କରାଯାଇଛି । ଦିନ୍କେ ଦିନ ସମୁଦ୍ର ଗରମ ହେଉଥିବାରୁ ଅଏଡକା ଝଡ଼ ସୃଷ୍ଟି ହେଉଛି । ୨୦୨୩ ମାର୍ଚ୍ଚ ଉତ୍ତରୁ ସାରା ପୂର୍ବ ଓ ନ ସମୁଦ୍ର ପୃଷ୍ଠର ତାପମାତ୍ରା ବଢ଼ୁଛି । ବୈଜ୍ଞାନିକ ମାନକର ପୂର୍ବାନୁମାନ ଅନୁସାରେ ଗ୍ରୀଷ୍ମ ଋତୁର ଶେଷତକ ଏଲ-ନିନୋ - ଲା- ନିନାଥ ରୂପାନ୍ତରିତ ହେବାର ସହେତେ ବର୍ଷା ବର୍ଦ୍ଧିବା ବଳି ଜନାପଡ଼ିଛି ।

ତାପମାତ୍ରା                      ଆରବନ୍ଧୁ/ ସମ୍ବଲପୁର

କେତେ ଦିନ ଉତ୍ତରୁ ରାଏଜେ ଫେରଘାଏ ତାତି ବଢ଼ିଛି । ରାଜ୍ୟର ସବୁଠୁ ଜହ ତାତି ଆଏଜ୍ ବୌଦ୍ଧ ନ ୪୫ ଦଶମିକ୍ ୯ ଡିଗ୍ରୀ ସେଲ୍‌ସିଅସ୍ ରେକର୍ଡ଼ କରାଯାଇଛି । ସେନ୍ତା ସୋନପୁର ନ ୪୫ ଦଶମିକ୍ ୩ ଆର ଚିଟିଲାଗଡ଼ ନ ୪୫ ଡିଗ୍ରୀ ସେଲ୍‌ସିଅସ୍ ତାତି ରେକର୍ଡ଼ ହେଉଥିବା ଆଂତଲିକ୍ ପାଣିପାଗ୍ ବିଜ୍ଞାନ କେନ୍ଦ୍ର ତରଫୁ ସୂଚନା ମିଳିଛି । ସେଆଡ଼େ ଆଏବାକାଏଲ୍ ଆର ପରଦିନ ସୁନ୍ଦରଗଡ଼, ଝାରସୁଗୁଡ଼ା, ବଲାଙ୍ଗିର, ସମ୍ବଲପୁର ଆର ନୂଆପଡ଼ା ନ ଜବର ଖରା ହେବା । ଇଥିରଲାଗି ଇ ଜିଲ୍ଲାମାନ୍କେ ପାଣିପାଗ୍ ବିଭାଗ୍ ତରଫୁ ଯେଲୋ ଡ୍ରାଣ୍ଟ୍ କାରି କରାଯାଇଛି ।

ଓପିଏସ୍‌ସି ନୂଆଁ ଅଧକ୍ଷ, ତିଏମ୍‌ଇଟି

ଆରଏନ୍‌ୟୁ

/ସମ୍ବଲପୁର

ଓଡ଼ିଶା ଲୋକସେବା ଆୟୋଗ - ଓପିଏସ୍‌ସିର ନୂଆଁ ଅଧକ୍ଷ  
ଭାବେ ପ୍ରଫେସର୍ ସରିତା ସୁପକାର୍ ଦାୟିତ୍ଵ ନେଇଛନ୍ ।  
ପହେଲା ମହିଳା ଅଧକ୍ଷ ଭାବେ ପ୍ରଫେସର୍ ସୁପକାର୍  
ନିଯୁକ୍ତି ପାଇଛନ୍ । ଆଗୋନୁ ପ୍ରଫେସର୍ ସୁପକାର୍  
ଓପିଏସ୍‌ସିର ସଦସ୍ୟା ଥିଲେ ।